



Qauyimatjutingit: Hanaugaliuqtinut Pivalliani Q Ilihaitjutikhaq

Hanaugaliuyuktut mirhuqniqmullu ukuallu hanaugaliurniqmut timiqutigiyangit piqaqtiliqtukhat ikayuutautinikmik makpiraanik manikharvikhanganic pittaqaqtunik hulilukaarninngitnik. Uvva naunaitkutikhaq allatqinguyut hulilukaarniit ikayuutauyut ilauyakharnik uuktuutiknut.

ILIHAIJTUTIKHAQ A: ATULIQTITAUNIQ SANANNGUAQTI MANIKHARVIKHANGIT

Piinarialaqiyangit Hulilukaarniit, Manikharvikhangit Kiklikhangit, Ihariqiyangitlu
Tittiqqat

- **Hulilukaarniit:** Niuvirniq utkuhikhanik mirhakhanik titirauyaliuqtakhanik, atuqtakhamiknik hanalrutiniklu. Hanalrutikhat utkuhikhaqvikhamut piinarialiklu uumani manikharvigiyakhanginni .
Havauhikhaq Ihariqiyauyut: Tamna kavamatkut havakvinga tuniniaqtut tamaat manikhamiknik akikhangitnik \$2500 niuvrutikhamiknik hanaugaliurniqmut mirhuqniqmullu titirauyaliuqniqmullu, atuqtakhamiknik, hanalrutikhaniklu, nampanganiklu akikhangit avatquumatjutinga una manik atauttimut atauhirmi ukiumi tunitjutauyut 5 tausit taalamik.
Titittiqiliqniq: Hanaugaliuyuktut tuniyukhaugaluat akingit itqarharninngit atuqtakhamiknik niuvirumayanginnik. Hanaugaliuyuktut iniqtiqtukhaq atauhikmik makpiraamik taiguagakhamik.
- **Hulilukaarniit:** Ilauyut nanminiqmut ilihainiq talvanngaluuniit Ilihaitjutikhaq.
Havauhikhaq Ihariqiyauyut: Tapkuat Ilihaitjutikhaq piyut Nunavunmi manikharvikhangit kikliqaqtuq 80pusantmik akikhangitnik. Ihuatqiangittuni ikayuutatuiit piqanngitpat Nunavunmi, ikayuutikhanik niuviqtaukpat hiltaanit Nunavunmi kikliqaqtuq 70pusantmik akikhangitnik .
Titittiqiliqniq: Uukturahuat titiraqtukhaugaluat qaffitaalauyumik akinginnik piyuq ilauyut Ilihaitjutikhaqmut, ukuallu taiguagakhat, naunaipkainirmut, uuktuutikhat titiqqat naunaiyaiyuq Ilihaitjutikhaqmut. Hanaugaliuyuktut iniqtiqtukhaq atauhirmik makpiraamik taiguagakhamik.
- **Hulilukaarniit:** Inuit hanaugaliuyuktut niuvrutiliriniqmullu ikayuutauyuq ilaunnginnarialik qaritauyakkut pulaarvikhaq piliurniq, naunaipkainiq niuvrutiliriniqmutlu hanalrutingit ilihainikhaqlu.
Havauhikhaq Ihariqiyauyut: Uukturahuat tuniyukhat pingahunik ukiumi niuvrutiliriniqmullu ihumaliurniqmik naunaiqhimayunik qanuqtut piumayamiknik akilikhanganic ikayuutauniaqtuq uukturahuatmut piinarialaqigiami nutaamik niuvrutikhakhamik hanaugaliuqniqmullu. Tamna uuktuutikhanga ilauyukhaugaluq naunaittumik naunaiyainiqmik hunavalukniklu hivuniqhiqmullu taiguagakhamik. Qanuraaluk manikharvikhanga naunaiqniaqtuq havauhikhaq maniliurninnganut.

Qanuraaluk manikharvikhanga naunaiqniaqtuq havauhikhaq maniliurninnganut, kikliqarluni tuniyauniqmik \$5,000mik.

Titiqqiliqiniq: Uukturahuat iniqtiqtukhaq atauhiqmik makpiraamik taiguagakhamik.

- **Hulilukaarniit:** Manikharvikhaq ikayuutauyukhamik maniliurniqmut iluittumut niuvrutikhanginnik ilagiyanga akigiyangani ilauhimayuq atuqtauninngit.

Havauhikhaq Ihariagiyaayuts: Uukturahuat naunaiqtakhaa qanuqtut manikharvikhaa pipkaitjutauniaqtuq hanaugaliuqtumut pigiamikni angitqiyayumik pusantnganik qanuraaluktut ittuq hanaugaliurninnga. Atlatqiinguyut manikharvikhangit naunaiqniaquq havauhikhaq maniliurninnganut, kikliqarluni \$10,000mik.

Titiqqiliqiniq: Uukturahuat iniqtiqtukhaq atauhiqmik makpiraamik taiguagakhamik.

Hulilukaarniit: Ilaugumi piliurninnganut hanaugaliurniqmut ayuirhagakhanginni.

Havauhikhaq Ihariagiyaayuts: Hanaugaliuyuktut titiraqtauhimayumik ikayuutaatikhaqaqtuq Ilinniaqtuliyiyikkunnit. Havauhikhaq naunaittiaqhimayukhaq ilauyukhauyurlu ayuirhagakhimmaarutikhauyuq piliurniqmut havauhikhaq. Kiklikhaa \$5,000.

Titiqqiliqiniq: Hanaugaliuyuktut iniqtiqtukhaq atauhiqmik makpiraamik taiguagakhamik, ilaulugulu aatjikutaanik ayuirhagakhat havaat iniqhimayut.

- **Hulilukaarniit:** Nakuuhirininninga inuulramiit auyami Iihaitjutikhaqmik ilauyukhaq akhuurutauninninga *sanaugaqmut*.

Havauhikhaq Ihariagiyaayut: Tamna Iihaitjutikhaq ilauyukharaluangga ayuittiaqtumik *sanannguaqti* ilihainiqmut hivuliqtuniqmullu ittumik. Iihaitjutikhaq piqaqtukhaq angiyumik ittumik havaaq inuulramiknut piliuqniaqtumik ayuirhimayanganik ihumaliurhimayanganiklu ihariagiyaayuq havagiami hanaugaliurniqmut. Kiklikhaa manikharvikhaa \$10,000.

Titiqqiliqiniq: Uukturahuat tuniyukhaq itqarhaqhimayumik ilauniqmut uuminngalu mikitqiyauninninga ilauniq ihariagiyaayut havauhikhaqmut iniqtiriniq. Uukturahuat iniqtiqtukhaq atauhiqmik makpiraamik taiguagakhamik.

- **Hulilukaarniit:** Tingmiluni hanauganik qunngiaqvingit qunngiarviingillu ikayuriami niuvirninngit piliurlunilu himmautingit kaanatami nunaryuaptiknilu niuvirviingit.

Havauhikhaq Ihariagiyaayut: Uukturahuat tuniyukhauyuq atauttimut \$5 hannat taalamik tingmitjutikhanganik uukuuttip tikkuqaqtauhimayuq nuna upagahuaqtaanganut. Tamna Iihaitjutikhaq manikhanga atauttimut uuminngalu nampanganic tingmitjutikhanga akikhaa nuna upagahuaqtamiknut.

Titiqqiliqiniq: Uukturahuat tuniyukhaq atinganik qunngiaqviup hanaugaliuqtamiknik pihimayainnik, qakugulu qunngiaqtittinahuaqtunik. Tamaita akiliqtamiknik naunaitkutigiyangit tingmitjutinganut tuyuqtauyukhat 30nik ublunik nunngutinngu utiffaaqqat nunamiknut. Uukturahuat iniqtiqtukhaq atauhiqmik makpiraamik taiguagakhamik.

- **Hulilukaarniit:** Ihumaliurniqmut Piliurniq. Amigaittut nakuuyut havauhikhaq nunaryuaptikni hanaugaliurniit piqaqtut piliurninnganik ihumagittiaqtamiknik taimaatut piyut ihumagigamik hilataanit ihumagiyamiknit talvalu atlatqiingittut havauhikhaq pipkaivaktaa angiqtaunngittut manikharvikhanginnik. Nunavut Kavamatkut Hanaugaliurniit Iihaitjutikhaq talvuuna ilayut ihumaliurniqmut piliurniq ihumagilluaqtauyunik manikharvikhangitnik ihumagilluariami piliurninnga havauhikhanik pilimainniaruknarhiyut atuqtauhimayunut manikharvigiyakhanginnik.

Havauhikhaq Ihariagiyaayut: Havauhikhaq ittukhayut piinarialiinnut hulilukaarniit maligaliuqhimayumit. Uukturahuat tuniyukhaq hivutuyunik nanminiqaqniqmut ihumaliuqniq naunaiqtaanik nutaamik itjutinganik havauhikhaq ihumagiyamikniklu ikayuutikhangit. Manikharvikhaat naunaiqtiqniaqquq pitillugit tunngavingit.

Titiqqiliqiniq: Ihariagiyaayuyq titiqqiliqiniq naunaiyaqniaquq ihuatqiagiyamiknut havauhikhaq itjutingalu angiqtauhimayuyq manikharvikhaa.

**ILIHAIJTUTIKHAQ B: ATULIQTITAUNIQ SANANNGUAQTI
KATUJJIQATIGIINGIT MANIKHARVIKHAQ**

Piinarialit Hulilukaarniit Ihariagiyangillu

- **Hulilukaarniit:** Manikharvigiyakhat allanitlu atuqtauyut hanaugaliurniitnik pipkaigiami akituvallaannaittumik havakvikhangitnik.
Havauhikhaq Ihariagiyauyut: Timiqutigiyangit pipkaiyut naunaitkutininik mikitqiyauininnganik nampanik hanaugaliurniitnik ilauyut ihariagiyauyut pigiami qanurittunik timiqutigiyangitnik (atayumik, katimayunik, inmikkut nanminiqatquq atauttimulluuniit havaqatigiikniq), sainiqhimayut uqariyqahimayamiknik Hanaugaliuyuktunit aturiami hanaugaliurvinga, ihariagiyauyurlu itjutinga ilaugiami. Manikharvikhaq piinarialik \$25,000 atauhirmut uukturahuamut.
- **Hulilukaarniit:** Ilihainiq Katimatjutikhaqmullu Manikharvikhaq - Manikharvikhanganik pipkailuni hanaugaliurniqmut ilihaigiamikni unalu/unaluuniit katimatjutikhangitnik Nunavunmi hanaugaliurniqmut timiqutigiyauyut.
Havauhikhaq Ihariagiyauyuts: Timiqutigiyangit naunaiqtakhaat qanuqtut una katimatjut piyuq tikinnahuaqtamiknik *Sanaugait*. Ikayuutikhauyuq Hanaugaliuyuktunut Nunavunmi ilihaipkaitigut nutaanik ayuiqtamiknik nakuuhiqluguluuniit atuqtauyunit. Hanaugaliuyuktut tingmiyut ilihaqtunik pilimaitaat uumani manikharvikhamikni, atuqtauyukhaq akinganit piyuq iniqtirininnganik iliharvikmit. Manikharvikhaq kiklinga \$15,000.
- **Hulilukaarniit:** Niuvrutiginikkut Ikayuutaut Hanaugaliurniqmut
Havauhikhaq Ihariagiyauyut: Nanminiit naunaiqtukhaq niuvrutiginikkut ihumaliurninngit angikliyuumiutiniaqtut niuvrutikhanganik qanuritaanganikluuniit pitjutigiyanga Hanaugaliuyuktut havaktut talvunnga nanminiqtunut. Manikharvikhanga naunaiqniaqtuq maniliurutinginnik, kikliqarluni \$15,000mik.
- **Hulilukaarniit:** Tamna piliurninnga, ihuarutinga, angikliyuumirninngaluuniit qaritauyakkut pulaarvinga ittut hanaugaliurniqmut ikayuutit niuvrutilirniqmulluuniit hanaugaliurniqmut qaritauyap pulaarviani
Havauhikhaq Ihariagiyauyut: Havauhikhaq naunaiqtakhaa nakuuhirluguluuniit tatja atuqtauyut niuvrutiliriningit, qaritauyap pulaarvialuuniit ikayuutingit. Tukhiutinik sainiqhimayumik uqariyqahimayunik ilauyukhat Hanaugaliuyuktut aturiami qaritauyakkut pulaarvinga niuvrutigiamikni hanaugaliurninngit, ilanga maniit Hanaugaliuyuktut manikharvikhaa, mikitqiyauyuq qaffiuyut inuit Hanaugaliuyuktut ihariagiyauyut havauhikhaq iniqtiriniq. Manikharvikhaa \$15,000.
- **Hulilukaarniit:** Ikayuutit Hanaugaliuyuktut maniliuriami iluittumut niuvrutikhanganiklu qanuraaluk manikhaa iliuraimayyuq hanaugaliurniqmut.
Havauhikhaq Ihariagiyauyut: Manikharvikhaq, \$15,000mik, tuniyauniaqtuq kiuttaaqniqmut hivuniurniqmut ukuninnga piyut:
 - Hanaugaliuyuktut quuliqpaanguyukhaq nunataarhimayut piumayauyunik havauhikhaq.
 - Nunngutpat havauhikhaq Hanaugaliuyuktut piyukhaq quuliqpaanguyunik manikhakhanganik hanaugaliuqtamiknik.
 - Amigaittuni-ukiumi havauhikhaq ilauyukhaq naunaitkutininik ihivriuqtauyukhaq atauhirmi ukiumi qakunnguraangallu.